

UNIBERTSITATE INKLUSIBOARI BURUZKO VI. KARTEL LEHIAKETAREN DEIALDIA 2023

1. Deialdiaren helburua

UPV/EHUko Desgaitasunak dituzten Pertsonentzako Zerbitzuak lehiaketa bat antolatu du unibertsitate inklusiboaren adierazgarri izango den kartela aukeratzeko, oinarri hauekin:

2. Gaia

XXI. mendeko unibertsitate inklusiboa, desgaitasunak eta, oro har, hezkuntza premia bereziak dituzten ikasle guztiei ikasketetan eta unibertsitateko jarduera guztietan sarbidea eta parte hartzeko aukera berdintasuna emango diena.

3. Parte hartzaileak

3.1. UPV/EHU n matrikulatuta egotea ikasketa ofizialetan edo berezko graduondoko ikasketetan (hau da, etengabeko prestakuntzako masterretan, unibertsitate espezializazioko tituluetan edo unibertsitateko aditu tituluetan) eta mugikortasun-programen bidez UPV/EHU n dagoen edozein ikaslek.

3.2. Lan bakar bat aurkeztuko du ikasle bakoitzak.

4. Lanen ezaugarriak

4.1. Kolorea eta teknika: libreak.

4.2. Obraren tamaina: 50 x 70 cm, bertikalean.

4.3. Lanak originalak eta argitaragabeak izango dira, eta nahitaezko osagarri izango dituzte:

- a. lehiaketaren gaiarekin zerikusia duen testu bat: euskaraz eta gaztelaniaz.
- b. UPV/EHUren logoa eta Desgaitasunak dituzten Pertsonentzako Zerbitzuaren izena, eransten den eredu jarraituz (ikus eranskin 1)

- c. Ez da onartuko UPV/EHUko logoa kartelaren diseinuko elementu moduan erabiltzea horrek UPV/EHU marka adierazteko gidan ezarritako ezaugarriak, neurriak edo kokapena aldatzea baldin badakar
https://www.ehu.es/documents/10136/3950780/GUIA_EXPRESIO_N_UPV_eusk.pdf/a9b50693-d367-4be8-9207-55a80259120e.
- d. Kartelen mezuek genero berdintasuna kontuan hartu beharko dute, hurrengo gidetan adierazten diren aholkuei jarraituz:
- Guía para el uso inclusivo del castellano UPV/EHU
<https://www.ehu.es/es/web/berdintasuna-direccionparalaigualdad/hizkera-inklusihoa-gida>
 - UPV/EHUko euskararen erabilera inklusiboarako gida
<https://www.ehu.es/eu/web/berdintasuna-direccionparalaigualdad/hizkera-inklusihoa-gida>

5. Lanen aurkezpena

5.1. Eskaria modu telematikoan osatu eta gero, erregistro bidez Ikasleen eta Enplegarritasunaren arloko Errektoreordetzan aurkeztu beharko da hurrengo jarraibideak jarraituz:

- a. Web-orrian eskuragarri dagoen formularioa beteko da, <https://www.ehu.es/eu/web/forms/shared/-/form/47855400> eta bertan datu hauek jasoko dira: izen-abizenak, NAN, ikasten ari den titulazioa, ikasten ari den ikastegia, helbide elektronikoa, telefonoa eta obraren leloa.

Lana formularioan sartuko da jpg fitxategi batean, 300 ppp-ko bereizmenarekin. Lanek ez dute egilearen izenik edo sinadurarik izango.

- b. Eskatzaileak eskabidearen frogagiri bat jasoko du posta elektronikoz berak eskabidean emandako helbidean. Mezu hori formulario-frogagiriarekin jaso ondoren, erregistro bidez aurkeztu beharko du

Administrazio Publikoen Administrazio Prozedura Erkideari buruzko urriaren 1eko 39/2015 Legeak 16. artikulua arabera, eskabidea, ahal dela, UPV/EHUko erregistro elektronikoaren bitartez aurkeztu beharko da (<https://egoitza.ehu.es/eu/registro->

electronico), UPV/EHUko Ikasleen eta Enplegarritasunaren arloko Errektoreordetzara zuzenduta – Desgaitasunak dituzten Pertsonentzako Zerbitzua (U02000325).

Horretarako, identifikazio elektronikorako sistema hauetakoren bat erabili behar da: a) Izenperen ziurtagiri digitala; b) UPV/EHUren txartela (Izenpe); c) NAN elektronikoa; edo, d) Diruaren eta Zerga Zigiluaren Fabrika Nazionalaren ziurtagiria (FNMT-CERES).

Era berean, beste toki hauetan ere aurkeztu ahal izango da eskaera: a) sektore publikoko beste edozein erakunderen erregistro elektronikoa; b) erregistro gaitan laguntzeko UPV/EHUren edo sektore publikoko edozein erakunderen bulegoetan, aurrez aurre, funtzionario publiko gaituaren bidez; c) posta bulegoetan; eta, d) Espainiak atzerrian dituen ordezkaritza diplomatikoetan edo bulego kontsularretan.

Erregistro gaitan laguntzeko UPV/EHUren bulegoetan aurrez aurre aurkezten diren eskaerak eta dokumentuak digitalizatu egingo dira administrazio espediente elektronikoa sartzeko, eta jatorrizkoak interesdunari itzuliko zaizkio, interesduna funtzionarioaren aurrean identifikatu eta horrela jarduteko adostasun espresua adierazi ondoren, bat etorrira UPV/EHUko idazkari nagusiaren 2021eko apirilaren 28ko Erabakian adierazitakoarekin. Erabaki horrek onartu egiten ditu gai hauei buruzko jarraibideak: erregistro gaitan laguntzeko bulegoak; eskaerak, idatziak edo bestelako komunikazioak funtzionario publiko gaituaren bidez aurkeztea UPV/EHUren; eta funtzionario publiko gaituen erregistroa.

GARRANTZITSUA: Formularioa betez, telematikoki bidaltzen diren eta aurretik adierazitako prozeduraren bidez erregistratu ez diren eskabideak **AURKEZTU GABEKOTZAT** joko dira, eta lehiaketatik kanpo geldituko dira

5.2. Lanak aurkezteko epea: 2023ko urriaren 18tik abenduaren 18ra arte.

5.3. Informazio telefonoa eta e-maila: 943 01 5183 / discap@ehu.eus

6. Sariak

6.1. Irabazleek hurrengo sariak jasoko dituzte:

- 1. saria: iPad Air bat.
- 2. saria: 400 euroko EHUDENDAKO txartel bat.
- 3. saria: 200 euroko EHUDENDAKO txartel bat.

6.2. Saria jabegabe utzi ahal izango da, kartelek gutxieneko kalitate teknikorik ez badute.

6.3. Kartel irabazlea UPV/EHUren jabetza bihurtuko da, eta egileak haren ustiapen eskubideak lagako ditu, erreprodukzio, banaketa eta komunikazio publikoen modalitateetan, UPV/EHU izanik horren onuradun bakarra.

6.4. Kartel irabazlearen inprimaketak tonalitate aldaketaren bat behar badu, emaitza hobetze aldera, edo akats ortografikoak zuzendu behar badira, epaimahaiak aldaketa horiek agindu ahal izango ditu, egilearekin harremanetan jarri ondoren.

7. Epaimahaia

7.1. Epaimahaiak 5 kide izango ditu: Arte Ederren Fakultateko eta Ikus-entzunezko Komunikazioa eta Publizitatea saileko irakasle bana, Ezgaitasunak dituzten Pertsonentzako Zerbitzuak izendatuak, UPV/EHUko Ikasleen zuzendaria, Ezgaitasunak dituzten Pertsonentzako Zerbitzuaren ordezkari bat eta ikasle bat, UPV/EHUko Ikasleen Kontseiluak proposatua.

7.2. Kartel irabazlearen aukeraketa: epaimahaiak hautatutako kartelak jendaurrean erakutsiko dira, UPV/EHUren web orrian eta UPV/EHUren hiru campusetako gune desberdinetan. Hautatutako kartelen artetik, saridunak aukeratuko dira, otsailean jakinaraziko direnak, eta sariak ekitaldi batean banatuko dira, zerbitzuaren web orriaren bidez iragarriko dena.

7.3. Aurkeztutako lanek kontuan hartuko dituzte irudi bankuetatik hartutako argazki, irudi edo baliabide grafikoak erabiltzeko behar diren eskubideak, irudiak egilearenak ez direnean. UPV/EHUk ez du inolako erantzukizunik izango lanen edukiek hirugarrenei dagokienez eragin ditzaketen erreklamazioetan.

- 7.4. Epaimahaiaren eskumenak: epaimahaiak, hautapen prozesuaren edozein unetan, atzera bota ahal izango du lan bat, baldin eta:
- Zalantzak badaude haren egiletzaz.
 - Pertsonen duintasunaren aurkakoa bada.
 - Beste obra baten plagiotzat har badaiteke, edo plagioa ez izanik beste lan baten imitazioa denean, edota beste obra batzuetan inspiratzen denean. Hala, epaimahaiak, horren berri izatean, lanari originaltasun merituak falta zaizkiola erabaki ahal izango du.
 - Atzera botatzea bozketa hasi ondoren gertatzen bada, aurrera jarraituko du bozketak hautatutako gainerako karteekin.
- 7.5. Epaimahaiaren erabakia apelaezina izango da. Hala eta guztiz ere, epaimahaiak erabakia berraztertu eta bertan behera utzi ahal izango du, aurreko paragrafoan aurreikusitako egoeraren bat sortzen denean.
- 7.6. Lehiaketan parte hartzeak berarekin dakar onartzea bai oinarriak bai antolatzaileen eta epaimahaiaren erabakiak, eta uko egitea oinarrien eta erabakien aurkako errekurtsioei.
- 7.7. Antolakuntzak oinarri hauek aldatu ahal izango ditu, beharrezkoa izanez gero.

Donostia-San Sebastián, 2023ko urriaren 17a

Fernando Tapia Alberdi

Ikasleen eta Enplegarritasunaren arloko Errektoreordea
Vicerrector de Estudiantes y Empleabilidad